



**Dutch
graphic
group**

Jaorgank 53 - 2025

De Paort



***“Jónk en ald, familie of vrind
Vastelaovend viere weej beej de Paort wies ‘t ind”***

WEEJ ZIEN VAN BOËTE DE PAORT



VEON



Boëte de Paort



— Jeug van —
Boëte de Paort

Veurwaord Redaksie

Leef laezers,


Gruets prissentere weej óg de nije Paort. Same mit de teksschrievers, fotografe, adverteerders en ós eige P&P kemissie hebbe weej weer ein schoeën bukske meuge samestelle.

In dees Paort vindt geej eine truukblik van ós ald dreejspanne, waere de nije dreejspanne aan óg veurgesteld en zien d'r vuuel leuke foto's te bekieke.

Laot óg verrasse en weej winse óg vuuel laesplezeer.

De redaksie

een vriend in installatietechniek



energa

www.energa.nl

Veurwaord Veurzitter



Beste Paorters en Paorterinkes,

As ik dit aan 't schrieve bin, zien weej haos aan 't nije jaor toe. Det guuef weer 't moment um truuk te kieke op 't aafgeloupe jaor. En waat ein jaor hebbe weej weer gehad!

Ós jeug had dit jaor ein geweldig dreejspan, Prins Roy I en zien adjedante Jimmy en Juul. Waat hebbe zeej genaote en weej ouk van eur. Eur evenemente waere steeds drökker bezóch, det is erg good.

In ózze hoestempel De Zwanehaof hadde weej dit jaor de ier um Prins Tjeu I en zien adjedante Bram en Nick oet te rope as hiersers euver 't Paortersriek. Det hebbe zeej geweldig gedaon. Zeej hebbe ós vereniging waardig vertaegewaordig euveral. En waat hebbe weej ouk ein fees mit eur gehad in ós residensie De Baek!

Ós kemissies hebbe ouk weer geweldig werk geleverd um alles good te regele zoeëdet weej weer geweldige evenemente kóste belaeve in De Zwanehaof. Alle bezoekers ware unaniem enthousias.

As vereniging doon weej alles mit vreejwilligers en zoeëas geej weit zien die d'r altied te weinig. Dus as geej zin heb um op ein of andere meneer mei te helpe, laot 't ós weite.

Al mit al staon weej as vereniging d'r dankzij al die betrókke vreejwilligers good veur. Geej as leje ziet aafgeloupe jaor ouk in groeëte getale nao ós evenemente gekómme, danke daoveur en weej haope óg dit jaor ouk weer allemaol te zeen.

Eine gruuette veurzitter,
Rob van den Nieuwenhof

Veurwaord Vors Paortius VI



Leef Paorters maar baove al
leef Paorterinkes,

Waat vluug ein jaor flot veurbeej!
Ónderwiel ik weer ein stökske meug
type veur ós schoeën hoesorgaan
“De Paort”, hebbe weej jaomer
genóg al aafschied genaome van ós
dreejspan 2024: Prins Tjeu I en zien
adjedante Bram en Nick. Tiejes eine
gezellige aovend op 16 november
zien zeej offisjeel aafgetraoje en
meuge zeej zich noow ald prins
en ald adjedant van Boëte de
Paort neume.

Veur weej ós op gaon make veur
ein nij seizoen, wao ouk weer
ein nij dreejspan klaarsteit, wil ik
gaer nog efkes truukkieke nao de
vastelaovend van 2024 beej ós
schoeën vereniging.

Op 6 jannewari aafgeloupe jaor
haet dreejspan 2024 zich dan intelik
kinbaar meuge make aan gans Venlo-
Zuud en dao boete. In ein good
gevólde zaal zoog al eur familie,
vrinde en bekinde wie zeej ónder ‘t
witte dook oetkwaame. D’n aovend
woort opgeluusterd door ein kwant
Orkesje en ging tot in de late eurkes
door. Daags nao d’n prinsebal waas
d’r tradisiegetrouw ‘t vlaghijse beej ós
residensie Kefee De Baek.

Ónder de schoeëne klanke van
Joekskepel Petatte Nelke hebbe weej
ein rundje door de binnestad gemak.
D’r waas vuuel bekieks van de minse
die door de stad leepe. Aangekómme
beej De Baek, woorte weej óntvange
door de raods- en gildeleje en de res
van ós vereniging. Nao ‘t hijse van de
vlag hebbe weej nog eine gezellige
middaag gehad beej Rick en Wobkje.

2 Waeke later waas ‘t de beurt
aan ós jeugaafdeiling mit eure nie
geprissenteerde naam
“Jeug van Boëte de Paort”.
Zeej hadde eine prachtige prinsebal
in de Zwanetempel wao ‘t nog noeëts
zoeë drök is gewaes. De nije Jeug
Vors Paortius, Nina van den Essen,
prissenteerde ‘t 19e jeug dreejspan:
Prins Roy I mit zien kwante adjedante
Jimmy en Juul. Eine DJ en de jónges
van Enne Bink zörgde det ‘t daak d’r
aafging dae aovend. Ós dreejspanne
hebbe zich dae aovend gevonde en
daomei kos de vastelaovend beej
Boëte de Paort beginne!

Weej kinne weer truukkieke op ein
paar prachtige evenemente.
Ein gezellige ZLS zitting, wao weej
Gé Deenen zien 40 jöörig artieste
jubileum nog hebbe gevierd en
ein groeëte Prónkzitting die ós

dreejspanne nog lang zal heuge. Vanaaf d'n ierste arties stonde de minse op de taofels... Minse ware zelfs zoeë enthousias det d'r ein taofel is gesneuveld.

Kómplemente en dank aan al ós kemissies. Zeej make 't idder jaor toch weer meugelik det weej vastelaovend kinne viere beej Boëte de Paort! Nao 2 good bezóchte resepsies van ós dreejspanne waas 't alweer Vastelaovend.

Op vastelaoveszondaag zien weej mit eine groeëte groep same mit ós Jeug mit de kinderoptoch meigetrokke. Det ging gepaard mit vuuel leweit. 's Aoves lekker gegaete en nog ein feesje gebouwd ónder in de kelder van "B-mich".

Maar aan alles kump ein ind, zoeë ouk aan de regeerperiode van

Prins Roy I en zien adjedante Jimmy en Juul.

D'r is minnig träönke weggepink tiejes 't mutsaafzette dae aovend.

Op d'n "boeredinsdaag" is d'r ouk ein ind gekómme aan de regeerperiode van Prins Tjeu I en zien adjedante Bram en Nick. D'r woort door Tjeu nog eine kier "Oh Temara" gezónge en daonao meuste ouk zeej eur regalia aafstaon en zien zeej ón-offisjeel aafgetraoje.

Wie al ierder in dit stökske gezag is de veurbereiding veur 't nije seizoen alweer in volle gank. Ós nije dreejspan steit al klaar. Ouk dit jaor is 't weer ein uniek dreejspan, maar noow meschiens iets unieker vanwaege de samestelling.

Centraal beej eur steit eine boum

dae ouk steit aafgebeeld op de medalie. Dae boum steit veur de verbinding binne de familie van dit dreejspan. De breurs Monnens, Twan en Arno, die zeker gen ónbekinde zien binne ós vereeniging, staon as adjedante ziej aan ziej naeve eur schoeënbroor, Prins Paul II. Zeej gaon dit jaor veurop ónder eur motto "Familie is ein geschink, det ós same brink."


Leef Paorters en Paorterinkes, langs deze waeg wins ik óg weer vuuel laesplezeer. Haopelik zeen weej óg dit jaor weer beej ós evenemente.

Ik bin gruuets op óg en op ós vereeniging!

Vastelaovend same!



WILLEMS
SINDS 1898



Peeters  Swalmen

**Papierrecycling
Archiefvernietiging**



**info@peeters-recycling.nl
www.peeters-recycling.nl**

*Voor al uw koude
en warme buffetten!*

C&S Catering
creatief & smaakvol



Langstraat 41, 5912 PA Venlo • Tel.: 06-48864349 • E-mail: cscatering@home.nl • Internet: www.cscatering.nl

**L Erik ange
Stage Productions**

06 - 21868780

't is gedaon,
't is gedaon

Waereld van fietsplezeer

Metropool

Muts aaf, 't veurjaor is d'r weer,
tied veur **Metropool-fietsplezeer**

Metropool
WERELD VAN
FIETSPLEZIER

Straalsewaeg 27c, tll. 3549944

www.metropool.info

JUMBO

Venlo, Tegelpoort 1 Maasboulevard



Prinsebal



Jeug van Boëte de Paort

Veurwaord Jeug Vors Paortius VI

Leef Päärtjes en Päärterinkes,

Mien ierste jaor as Jeug Vors Paortius VI zit d'r op en waat heb ik genaote. Van 't dreejspan, Prins Roy I en zien adjedante Jimmy en Juul, van ós raad van elluf en dansmeriekes, en van óg; Päärtjes en Päärterinkes beej ós evenemente. 't Waas waanzinnig, dankewaal daoveur.

En neteurlik ware d'r ouk waal spannende momente; veural mit 't jeugprinsebal had ik toch waal ech de zenuwe. Maar wie det dreejspan d'r einmaol stond te springe en weej mit z'n alle ein feesje kóste gaon bouwe, ware die zenuwe rap verdwene. Ouk mit de ganse raad op paad nao alle andere vereeniginge waas super gezellig, euveral wao weej zien gekómme hebbe weej d'r ein feesje van gemak op de buun. Maar ierlik gezag, vond ik ós eige resepsie waal 't allertoefste, zoeëvuuel

minse die langs kwame, ongeluifelik! Maar nao 4 waeke joeks en jen kwaam d'r ouk weer ein ind aan ós seizoen en waas 't op vastelaoveszondaag alweer tied um de mutse aaf te zette. Iers beej de dansmeriekes en de raad, toen beej de adjedante Jimmy en Juul, vervolges beej Prins Roy I en as letste beej mich...det waas mich toch waal ein dingske.

Maar noow ik dit schrief, staon weej alweer aan de veuraovend van ein niej vastelaovesseizoen veur de Jeug van Boëte de Paort, weej kieke d'r allemaol nao oet. As geej dit laes, heb ik óg gruuets meuge veurstelle aan ós dreejspan 2025: Prinses Eefje I mit eur adjedante Finn en Liza! En ik kin óg op ein breekke gaeve: mit dees dreej veurop, geit 't daak van de Zwanehaof d'r gegarandeerd aaf!!

Vastelaovend same!




**Met carnavalsmedaljes
insinjes, pins, mansjet knuip
en dergelukke van Bestmedals.nl
Geit de vastelaovend 2025 zeker lukke!**



Boots Sportprijzen / bestmedals.nl / Veldstraat 64 in Helje / Tillefoon 0628337422

VB Events & Entertainment



Tel. +31(0)622 951 954

www.vbevents.nl



Veurstelle van 't nije dreejspan 2025

Alleriers: Stel óg ens veur:

Prins:

Paul Schers, 42 jaor.

Ik woeën in Blierick same mit mien vruike Susanne en ós kinder Stan en Tessa. In 't dageliks laeve werk ik beej de ABN Amro bank en dao gaef ik minse advies veur ein hypotheek. In miene vreje tied ren ik gaer ein rundje brök en bin ik leider beej 't voetbalteam van Stan beej SVB.

Adjedant 1:

Ik bin Twan Monnens, aldste van de dreej thoës. Ik heb nog ein breurke Arno, adje 2 en ein zuske Susanne, vrouw van d'n hoeëghheid. Same mit Elisabeth woeëne weej

al vanaaf 2000 in Venlo-Zuud. Weej hebbe same 2 zeuns, Mike van 21 jaor en Daan van 19 jaor. Zeej woeëne nog allebei thoës. Ik werk al 30 jaor beej Energa as elektromonteur. Sinds 2023 bin ik vreejwilliger beej 't Roeëje Kruuts. Dao bin ik medewerker van 't logistieke team en evenementehölpverlieëner.

Adjedant 2:

Ik bin Arno, breurke van Twan, adje 1, en broor van Susanne, vrouw van d'n hoeëghheid. Mit mien vruike Sylvia woeën ik al 21 jaor in Blierick. Weej hebbe twee fantastische döchter, Emelie van 20 jaor en Fabienne van 17 jaor.

Ik bin al 20 jaor werkzaam as Technisch manager beej ein Taiwanees bedrijf Quripos B.V. in Belvend. In miene vreje tied fiets ik gaer ein rundje mit de mountainbike en kiek ik gaer nao ein pötje hockey van mien dochter.

Wao kint geej óg van / Waat ziet geej van ein?

Prins:

Ik bin de schoeënbroor van adje 1 en adje 2 en dus de man van Susanne, 't zuske van adje 1 en adje 2.

Adjedant 1:

Weej zien familie van ein. D'n hoeëghheid is mien



schoeënbreurke en getrouwd mit mien zuske.
Adjedant 2 is mien breurke.

Adjedant 2:

Ik bin 't breurke van adje 1 en de schoeënbreur van d'n hoeëghheid, familie dus.

Op welke wies haet de Vors óg gevraag? En wie heb geej óg adjedante gevraag?

Prins:

De Vors haet mich gebeld op eine vriedaagmiddag: op det moment waas ik aan de achterkant van ós Paortersriek.
Ik meus namelijk beej College Den Hulster ein gyntas aafgaeve dae miene zoon waas vergaete.
De Vors vroog of ik Prins 2025

woel waere beej Boëte de Paort. Ik waas blie verras en heb gen moment getwiefelt.

Adjedant 1:

Paul is mich kómme vraoge mit ein foto van ós broelof, wao weej alle dreej op staon. Daobeej had hae ouk ein paar witte handschoon.
Achter op de foto had hae de vraog geschreve of ik Adje 1 woel zien.

Adjedant 2:

Paul kwaam vlak nao 't aete mit ein envelöpke mit ein foto en twieë witte handschoon. Of ik ziene adjedant woel zien in 2025.
Die vraog meus waal efkes lande, maar ik heb volmondig jao gezag.
Gruuets det ik dit mit mien broor en mien schoeënbreur meug doon.

Waat beteikent vastelaovend veur óg?

Prins:

Mit sjmienk op de snoet, ós te verkleie en same mit ós gezin en vrinde de stad in te gaon. Ónder 't genot van ein pilske te sjoenkele op de vastelaovesleedjes van Groeët Venlo. Zoeë viere weej de vastelaovend.

Adjedant 1:

Vastelaovend beteikent Lol en Plezeer mit familie en vrinde.

Adjedant 2:

Veur ós beteikent Vastelaovend "Boëte de Paort".
Weej kómme al mier as 20 jaor beej de Paort, wao weej al waeke veur de Vastelaovend meuge preuve van dit



fantastische fees.

Dit viere weej same mit ós blage, die ouk groeët zien gewaore in ózze Zwanetempel. Vastelaovend beteikent vrindschap, familie en gezelligheid.

Wie viert geej 't leefste vastelaovend en mit wae?

Prins:

Ik vier vastelaovend 't leefste mit mien gezin en vrinde. Stan en Tessa zien lid van de Jeug van Boëte de Paort. Ik bin dan ouk geregeld te vinde beej aktiviteite van mien kinder.

Adjedant 1:

't Leefs mit 't gezin, familie en vrinde. En naevebeej ouk nog inzette dreie veur 't Roeëje Kruuts, same mit mien vruike Elisabeth en/of schoeënzuske Bertie. Of det dan in Venlo is of in

Wiert, det mak mich niks oet. Gezellig wuurt 't toch.

Adjedant 2:

't Leefs vier ik vastelaovend mit mien vruike en mien twieë kinder. Same mit vrinde lekker ein pilske drinke in de stad.

Waat is óg binding mit Boëte de Paort en wie bisse beej Boëte de Paort terech gekómme?

Prins:

18 jaor geleje bin ik veur 't iers beej Boëte de Paort gekómme wie Twan adjedant woort. Jaore later kwaam ik geregeld beej de Paort beej de jeug evenemente, umdet mien naefkes en nichjes in de Raod van 11 zote. Mien kinder zien oetintelik ouk beej de raod van 11 genaon.

Adjedant 1:

Sinds 2001 kwaam ik op de zittinge/ evenemente mit joekskepel Krangs-Um. In 2005 heb ik mei de jeugaafdeiling opgericht, toen nog De Päörtjes. Noow is det de Jeug van Boëte de Paort. In 2007 bin ik adjedant gewaes beej Prins Marcel I (Janssen) same mit John (Boeve). Ein volledig Krangs-Um dreejspan. Eine sjieke tied. Ós kinder zien ouk lid gewaes van de Päörtjes. Ózze Mike ging al vanaaf 't begin mei in 2005. Later ging Daan ouk mei. Allebei hebbe zeej in de Raod van 11 gezaete. Det waas toen al eine leuke tied, same mit de maedjes van Arno en Sylvia. In 2018 is Daan, hoeëghed Daan I gewaes van De Päörtjes. Det waas ouk eine hiele sjieke tied.

Jc JAN
CHRISTIS
VERKEERSOPLEIDINGEN

*Met Vastelaovend rieje wej neet op de
brommer motor of in de wagen, maar
samen met og zurge wej det auk dees
Joeksige daag gaon slagen!*



*Voor Uw bruidsboeket,
corsage, auto- of kerkversiering
zijn wij het juiste adres.*

JB

**Bloemenboetieks
Jan Bijl**

Venlo, Emmastraat 59
Tel. 077 - 3512543

Tegelen, Centrum-Passage
Tel. 077 - 3738370



Adjedant 2:

Ik bin de ierste kier beej de Paort gekómme wie Hay van Haandel prins waas, waat eine waan vastelaovend waas det. Mit mien vrinde zien weej vanaaf dae tied lid gewaore. Ik bin ein aantal jaor later beej de p&p kemissie gegaon en later ouk raadslid gewaore. Dit heb ik mit vuuel plezeer gedaon. Inmiddels bin ik togetraoje tot 't Gilde.

Prins, wie hebse dees adjedante oetgekaoze? En waat mak eur zoëë geschik um dien adjedante te zien?

Prins:

Naodet de Vors mich had gevraog, ginge weej frietjes aete beej pap en mam, zoeëas weej det iddere vriedaag doon. Wie ik de taofel

rondkeek waas ik d'r metein euver oet: mien schoeënbreurs meuste naeve mich kómme staon op de buun. Niks is schoeëner dan mit familie vastelaovend te viere. Mien schoeënbreurs kómme al jaore beej Boëte de Paort en weite persies wie dit feesje gevierd wuurt.

Waat geit 't kómmend seizoen beej Boëte de Paort veur óg beteikene?

Prins:

Ik dink det 't ein fantastische en onvergaetelikke ervaring zal zien. Op de buun te staon same mit mien schoeënbreurs is eine druim dae oetkump. Same mit ós gezinne, familie en vrinde zulle weej schoeëne herinneringe make.

Adjedant 1:

Eine supergave tied, mit de ganse familie. Jónk en ald, 't mak niks oet. Weej gaon d'r mit zien alle eine toffe vastelaovend van make. Supersjiek det ouk de kinder van ós alle dreej, eine band hebbe of hebbe gehad mit de Jeug van Boëte de Paort. 't Zit in ós blood en 't is dus letterlik: "Det zit beej ós in de familie"

Adjedant 2:

Ik heb altied gezag det 't niks veur mich zoel zien um op dees wies op ein buun te staon. Maar um dit noow same mit mien broor en schoeënbroor mei te make, liek mich gans waan. Gruuets det weej det allemaol same as familie mei meuge make.



Tot slot, waat wilt geej aan alle Paorters en Paorterinkes meigaeve deze vastelaovend? Waat zien óg winse veur dit vastelaovessezoen?

Prins:, Adjedant 1:, Adjedant 2:

Laot ós same viere mit jónk en ald, familie en vrinde. Geneet van iddere daag, de groeëte en de kleine dinger. Belaef de vastelaovend op óg eige wies maar vier 't veural mit mekaar.

Vastelaovend same!

“Familie is ein geschink, det ós same brink”

Proklamasie

Leef Paorters en Paorterinkes,
Aanhuur dees Prinseproklamasie.

Weej, prins Paul d'n tweeëde
Burggraaf van de Alberdingk Thijmstraot
Bescherhiër van mien vruike Susanne,
miene zoon Stan en mien dochter Tessa
Jónkhiër van pecunia en hypotheke
Opperstalmeister van dit Paortersrièk,

Beej de graassie van Vors Paortius en ziene hoeëge Raod van Elf.
Prins Carnaval 2025 van alle Paorters en Paorterinkes,
Um óg same mit mien adjedante
Twan, Hertog van elektra en 't roeëje kruuts
en Arno, Baron van de mountainbike en de frikandelle
Veur te gaon in dit Paortersrièk.
Gaeve weej heejbeej te kinne en te verstaon.

Liefspreuk:

Kiek ós breurs heej noow staon,
Same zulle weej óg dit jaor veurgaon.

't Geld is geteld, de stroom is aangelaag en de fiets steit op slaot.
Weej gaon genete en danse oet de maot!

Mit friet van pap en mam als baom,
viere weej vastelaovend wies de letste aom.

De paort is aope, familie en vrinde zien binne,
veur ós kin de joeks en jen beginne.

Vastelaovend same!



Kleine Baekstraot 15 till. 077 354 1888

glaas beer
haer.



KEFEE DE BAEK






Tuin bestraten?

Bezoek eerst onze showroom
en showtuin voor meer
dan **1500 m²** aan
inspiratie

Bekijk onze collectie direct online op
www.stones4u.nl



stones 4u



Noordervaart 5 Beringe
077 307 21 20
www.stones4u.nl



Jeug Prinsebal



‘t Nije dreejspan van de Jeug van Boëte de Paort stelt zich veur!

Allerièrs: Stel óg ens veur:

Prinses: Ik bin Eefje, 13 jaor ald en woeën in Blierick mit mien pap en mam. Ik zit op 't Valuas in de 2e klas. In miene vreje tied zit ik op badminton en vind ik 't leuk um aaf te spraeke mit vrindinne.

Adjedant 1: Hi, ik bin Finn van den Nieuwenhof, ik bin 12 jaor en woeën in Venlo-Oeës mit mien moder, vader, zuske Liene en miene leve hónd, Baerke. Vanaaf dit schoeëljaor fiets ik iddere morgge nao 't Valuascollège. Nao schoeël bin ik gaer in de boetelóch en trap ik gaer taegge de bal mit vrinde. Ik speul in 't ierste ónder 13 van FCV.

Adjedante 2: Miene naam is Liza Sijbers, ik bin 12 jaor en woeën in Venlo-Noord mit mien pap en mam, zuske Mila en hundje Lucky. Ik zit in de brugklas op 't Valuascollège. Dao kóm ik Eefje en Finn ouk waal ens taegge. Mien hobby is paerdrieje op de manege in Kessel of beej miene ome en tante in 't Ven. Vaerder vind ik 't leuk um mit vrindinne aaf te spraeke of nao stad te gaon um te joetse. Mit de vastelaovend bin ik neteurlik te vinde in Venlo-Zuud beej de Jeug van Boëte de Paort.

Wao kint geej mekaar van / Waat ziet geej van mekaar?

Prinses: Ós elders zien goje vrinde van ein en zoeë zien weej ouk vrinde gewaore.

Adjedant 1: Eefje en ik loge same mit de scepter in de box. Liza kin ik van feesjes beej Eefje. Op schoeël kómme weej ós geregeld taegge.

Adjedante 2: Ik kin Eefje al mien ganse laeve, ós elders zien vrinde van ein. Finn zeen ik beej Eefje thoese en vanaaf dit jaor ouk waal ens op schoeël.

Wie viert geej t leefste vastelaovend en mit wae?

Prinses: Lekker mit vrinde, vrindinne, pap, mam en bekinde op straot.

Adjedant 1: Ik bin iddere daag te vinde in de stad. Same mit de kinder en vrinde van mien elders make weej ein fees boete en schoeëj ik gaer mit mien vrinde.

Adjedante 2:

Ik vier 't leefste vastelaovend beej de Jeug van Boëte de Paort en mit familie en vrinde in de stad.

Wie bisse beej Boëte de Paort terech gekómme?

Prinses: Miene pap waas prins in 2020.

Adjedant 1: Ik woort door Eefje gevraog um adjedant te waere. Maar mien vader ging mich veur want in 2020 is hae door Rob, de vader van Eefje gevraog um adjedant te waere. Ouk is miene ome Rob, veurzitter van dees vereniging.

Adjedante 2: Pap zien nichje Sylvana haet mich gevraog of ik dansmerieke beej de jeug woel waere. Det heb ik de aafgeloupe 2 jaor gedaon.

Miene pap waas in 2010 adjedant beej de groeëte.

Tot slot, waat zien óg winse veur dit vastelaovessezoen?

Prinses: Det weej d'r eine toffe vastelaovend van make en ein feesje bouwe mit idderein dae we taegge kómme.

Adjedant 1: Ik wins vuuel joeks en jen mit 't dreejspan, vrinde en familie. En ik haop minse te liere kinne die ouk van gezelligheid halde.

Adjedante 2:

Same mit Eefje, Finn en de ganse Jeug van Boëte de Paort hiel vuuel plezeer make.



Proklamasie

Leef Päörtjes en Päärterinkes, Jóngluuj,
luuster nao deze prinsesse proklamasie

Ik, Prinses Eefje 't ierste,
Prinses van de Jeug van Boëte de Paort, vind 't kwant um dit jaar
mit de vastelaovend veurop te gaon.

Leefste maedje van de Ganzerikstraot
Jónkvrouw van 't racket en de shuttle
Keuningin in 't aafspraeke mit vrindinne

Beej de graassie van Vors Päörtje en ziene wieze raad van 11
Prinses Vastelaovend 2025 van alle Päörtjes en Päärterinkes,
um óg allemaol, same mit mien adjedante Finn en Liza, veur te
gaon in dit Päörtjesriek
gaeve weej heej beej te kinne en te verstaon:

Venlo, 2025

Vastelaovend is ós mit de paplaepel ingegaeve,
Ós elders ginge ós al veur en noow gaon weej 't belaeve.
Badminton, voetbal en paerdrieje zette weej noow aan de kant,
De kómmende waeke hebbe weej genne tillefoon,
maar de scepter in de hand.

Weej dreej blage oet Blierick en Venlo zien binne,
Dus 't fees kin noow intelik beginne.

VASTELAOVEND SAME!!

SOKRATIS

Grieks Mediterraans Restaurant



van Dijk
hypotheek & verzekeren
Persoonlijk en onafhankelijk advies

Wij zijn
verhuisd!



Garage Urbanus

Voltastraat 10b
5928PD Venlo

Tel nr: 077-3870322

E-mail: garage-urbanus@live.nl



De nije Jeug Sirremoniemeister stelt zich veur

Miene naam is Stan Schers en ik bin 13 jaor.
Ik woeën mit mien elders Paul en Susanne en mien zuske Tessa in Blierick. Doordewaeks gaon ik nao Den Hulster wao ik in 't 2e jaor zit.

In miene vreje tied bin ik te vinde op de voetbalvelde van SVB wao ik voetbal as veurstopper in de 14-2.
Ik kóm al jaore heej beej de Jeug van Boëte de Paort, wao mien naefkes en nichjes al in de raad zote. Ik zei al vruereg det ik det ouk woel en same mit eur vastelaovend woel viere. Sinds 2020 bin ik dan ouk beej de raad gegaon.
Afgeloupe september kwaam Sylvia van de kemissie mich

vraoge of ik Sirremoniemeister woel waere. Ik meus heej hiel efkes euver naodinke. Toen de vraog geland waas zei ik volmondig JAO.
Ik heb zin um deze vastelaovend óg allemaol veur te gaon mit de bel.

Ik wil Luciano bedanke veur de afgeloupe jaore det hae Sirremoniemeister is gewaes.

Op eine schoeëne vastelaovend!

Ógge Sirremoniemeister Stan Schers.



Pinnen aan de deur?
Mogelijk op aanvraag.
Let op! + €1 transactiekosten



MIXOR CHICKEN

We are Back!



Afhalen & Bezorgen

Bij afhalen boven de €25 Gratis Fles Cola of Fanta

Bezorggebied

Venlo, Blerick
Tegelen, Velden, t' Ven

Gratis v.a. 10,00

Gratis v.a. 20,00

OPENINGSTIJDEN

Maandag	12:00 - 05:00 uur
Dinsdag	12:00 - 05:00 uur
Woensdag	12:00 - 05:00 uur
Donderdag	12:00 - 05:00 uur
Vrijdag	12:00 - 02:00 uur
Zaterdag	12:00 - 02:00 uur
Zondag	12:00 - 05:00 uur



Bezorglijn

* Wij bezorgen tot een half uur voor sluitingstijd.

077 - 390 51 51

Vleesstraat 85 - 5911 JD Venlo



Bestel voortaan op onze

EIGEN WEBSITE

of download de app op de website

EN KRIJG

10% KORTING

met actiecode: mixor10



WWW:MIXORCHICKEN.NL

Vleesstraat 85 - 5911 JD - Venlo



De nieuwe Jeug Chef du protocol stelt zich veur

Ik bin Sem Verhoeckx,
13 jaor ald en woeën mit mien elders en breurke op de Smaragd in Venlo-Zuud.
Ik zit op College Den Hulster in de 2e klas. Op dinsdaag, donderdaag en zaoterdaag trap ik gaer ein belke, beej Sportclub Irene.

De vastelaovend beej Boëte de Paort is mich mit de paplaepel ingegaeve. Ik kóm al beej Boëte de Paort vanaaf det ik kin loupe. Miene pap haet altied beej de raad van 11 gezaete en mien moder zit beej de AZ-kemissie.

2 jaor geleje begós 't beej mich te kriebele en bin ik beej de Jeug van Boëte de Paort gegaon as raadslid. Det beveel mich good, weej hebbe ónderling vuuel lol en plezeer.

Inkele maonde geleje hebbe ze mich gevraog um Chef du protocol te waere en toen heb ik meteen jao gezag. Ik vind 't leuk um allemaol dinger te regele en te zörge det idderein d'r netjes beej löp.

Weej gaon d'r dit jaor weer ein leuk seizoen van make en weej kómme elkaar mit de vastelaovend vas waal taege.

Groetjes Sem



Elektro installatietech



niek Theunissen B.V.



Geraads, Sorée & Van Liempd

Hypotheekbedenkers & Assurantieadviseurs

V
A
S
S
G
E
L
A
O
V
E
N
D



S
A
M
E

Een begrip  sinds 1960

Poeliersbedrijf Schatorjé

UW VERTROUWEN WAARD

Anthuriumkwekerij Welles

**De mooiste
carnavals boeketten!**

Maandag t/m vrijdag
8.30-12.00 - 13.00-17.00
Zaterdag 8.30-15.00
Met carnaval ook geopend.

Voor meer informatie
www.wellesanthuriums.nl

Nieuwkampweg 3
5991 RB Baarlo
T 077 477 19 85

welles
Anthuriumkwekerij



Venlobaeker - Mark Wienen



“Wae hebbe we dao dan?” “Ik bin ‘ne Venlobaeker.” “Ik zeen ‘t. Doot maar sjiek. Nou, welkom in Kefee De Baek.” “Danke. Geej ziet heej al langer in functie?” “Jao, al jaore. Ik heb d’r al vuuel zeen kómme en gaon. En zeg maar dich. Ik bin maar ‘n simpel piepke.” “Mós se dan neet in de Gaaspiep zien?” “Wiezoeë det?” “Nou, ik bin ‘ne Baeker umdet ik in Kefee De B... neet?” “Hahaha. Nae zoeë werk ‘t neet. Beej de Gaaspiep hebbe ze trouwes nog alderwetse stapelglazer. Det zien de echte bikkels. Neet kepot te kriege.

Maar uh... bis se d’r klaor veur?” “Ik dink ‘t waal. Zoeë moeilik kin ‘t toch neet zien? Ik gaon toch ‘t zelfde doon as dich?” “In de kern waal. Maar toch is ‘t anders. Haes se las van wageziekte?” “Wageziekte?” “Jao, kins se taege wiebele of wuurs se dan

misselik?” “Waorum vruueg se det? We gaon toch de Vastelaovend in? Neet de kermis?” “Det klop, maar dich wuurs waal anders gebroek as ik.” “Wiezoeë? Drank d’r in, drank d’r oet, wasse en weer ‘t zelfde?” “Jao, wies zoeë wied klop ‘t. Maar toch is d’r ‘n verschil. Dich wuurs de gansen tied vasgehalde.” “Vasgehalde?” “Jao, vasgehalde, wie in det leedje.”

“Maar dich toch ouk?” “Jao allein mit kleppe. En dan zette ze mich op de bar. Kin ik lekker róndkieke waat d’r zich allemaol aafspeult. Goje möp die vertelt waere, aangriepende verhaole en romances die óntstaon. En ik bin al zoeë lang heej, ik weit ouk of die romances kinne of neet. As se begrieps waat ik bedoel.” “Ik volg dich. Maar waarom is det veur mich anders dan?” “Dich bis ‘ne wisselbaeker. Dich wuurs aangeschaf en dan meugs se de gansen daag

mit dezelfde persoeën mei um dan op ‘t ind weer ingeleverd te waere. Dus de zits de gansen daag in dezelfde hand. Of in ‘n tes.” “Det had ik mich nog gaar neet gerealiseerd! En dus ouk de gansen daag det zelfde stinkäömke?” “Yep.” “Maar kin ‘t ouk zien det ik de gansen daag in tweeë hiele knappe ouge kiek?” “Nae ouk neet.” “Wiezoeë neet?” “Kiek ens wie se d’r oet zuus. En kiek dan ens nao mich.” “Dich bis vuuel helderder.” “Inderdaad: ik bin van glaas. Dich bis maar ‘ne wazige plastic baeker” “Nou, ik heb d’r inens ‘n stök minder zin in.” “Ach stel dich neet aan. Dien veurgengers hadde ‘t ‘n stök lastiger.” “Wiezoeë?” “Die woorte nao ein lading op de grónd gekiep, vertrap en die meuste dao ouk nog de res van d’n daag blieve ligge.” Oh, dan heb ik niks gezag.” “Det kin ouk gaar neet.” “Wiezoeë neet?” “De bis ‘ne baeker! Die kinne neet praote. Gek!”

Vastelaovend Same!

Ald dreejspan



“Waat vluug d’n tied, waat vluug d’n tied, zoeë heb ik ‘m nog noeëts zeen vlege.” Zoeë begós ein vastelaovesleedje van Jocus in 1986. Dit gold ouk veur ós regeerperiode. Waat is det waanzinnig snel gegaon. ’t Waas wie d’n daag van gister det op eine doeëdgewoeëne woensdaag de tillefoon ging beej (op det moment) ‘nne gewoeëne Venlose jóng. Dae huurde op det moment det ziene jóngesdruim in vervölling moch gaon in 2024: hae moch zich vanaaf 6 jannewari inens Hoeëgheid Tjeu I neume. Nao ein paar hiele vraemde, speciale en onwinnige daag, had Tjeu I ouk 2 adjedante gevonde. Ouk veur eur kwaam de jóngesdruim oet. In eine aafgelaje Zwanehaof woort

’t dreejspan van Boëte de Paort oetgeroope. Vanaaf det moment begós de meis speciale vastelaovend wies noow toe. Weej hebbe hiel vuuel toffe aktiviteite meuge meimake, maar ouk kleine, emotionele momente. Um maar ein paar hoeëgtepunte te neume: ’t oetkómme, de privé- en groeëte resepsie, de Prónkzitting, de ZLS-zitting. As kleine momente mochte weej alde en/of kranke minse toch ein bietje vastelaovend in de hoeskamer bringe. Veural ’t bezeuke van de opa en oma’s makde daobeej vuuel los.

Weej hebbe genaote vanaaf ’t moment det weej gevraog woorte, wies ’t moment det weej aaftraoje. ’t Waas ‘nne achbaan van emotie en weej hebbe ‘nne vastelaovend gevierd zoeëwie weej dae nog noeëts hebbe gevierd.

Weej wille gaer Boëte de Paort bedanke veur ’t ganse seizoen en de kans die weej hebbe gekrege. Weej danke alle sponsore en donateurs maar baove al wille weej gaer ós vruikes bedanke veur de steun die geej ós gegaeve heb in de vastelaovestied. Weej zeen ós beej Boëte de Paort!

Prins Tjeu I en zien adjedante
Bram en Nick





Parade 28, 5911 CC Venlo
06-19641849 - www.dewittevenlo.nl

Kom genieten van...

- 'n smakelijke lunch
- 'n heerlijk diner
- 'n gezellige borrel
- 'n geweldig feest
- 'n onvergetelijke bruiloft

in de mooiste
stadstuin van Venlo



Kapsalon
Clipss

Openingstijden
Di 09:00 - 17:00
Woe 09:00 - 18:00
Do 08:30 - 18:00
Vr 08:30 - 18:00
Za 08:00 - 14:00

Krekelveldstraat 7
5912 GA Venlo
077 - 351 26 93
06 -13 38 15 30
 Kapsalon Clipss

verj rdaags part e...
trouw part e...
zo maar  in part e...

gen party
z nder neut van

parti

Klaosstraat 62

Ónder de Paort mit Maurice en Lilian



Wie ziet geej beej Boëte de Paort terech gekómme?

Lil: Ik bin door de leefde beej Boëte de Paort terech gekómme. Ik had verkiering mit Hans Klaassen, eur ganse familie kwaam beej Boëte de Paort. Zeej ware namelijk bevrind mit de families Lammen en Schouren, gen onbekinde binnen de vereniging. Ik waas toen 17 jaor en genoot vanaaf 't allerierste moment van de gezellige sfeer die d'r altied is. Miene ierste man Hans woort krank en is daoan euverleeje, maar ik bin via de motorclub en Boëte de Paort Maurice taege gekómme. In 'm heb ik opniej weer de leefde meuge vinde. In al die jaore heb ik 't gelök gehad um twieë kier de partner van eine jubileumprins te meuge zien. Miene ierste man Hans waas hoeëgheid in 't 2 x11 jäärig jubileumjaor, en Maurice waas d'n hoeëgheid beej 't 4 x11 jäärig fees.

Maurice: Ik waas ens eine vastelaovesdinsdaag in de stad, mien broor Eric zoot al beej Boëte de Paort. Ik kwaam de raad van toen taege in Kefee De Baek, zeej ware dao in de nekse pens de klompedans aan 't danse. 't Insigste waat ik kós dinke waas: "waat ein stelletje rare!" Neet weitende det ik ein paar maond later gevraag woort as adjedant van mien broor. (In 1999) Vanaaf dae tied bin ik blieve plekke.

Waat beteikent vastelaovend en specifiek vastelaovend beej Boëte de Paort veur óg?

Lil: Boëte de Paort beteikent vastelaovend en vastelaovend beteikent Boëte de Paort. Ik kóm d'r inmiddels al 43 jaor en geneet d'r nog steeds intens van. Vanoet thoes, ik bin gebaore in Nunhem, kós ik vastelaovend viere neet. Later, wie ik in Tegele woeënde, meugde ik waal mit de vastelaovend gaon joetse, maar allein mit mien zuskes as chaperonne. Maar éch vastelaovend viere heb ik pas beej Boëte de Paort gelierd. Ik vier altied mien eige feesje, maar waal same mit andere. Ik joets van hot nao her, maak mit idderein ein prätötte en blief neet gaer de ganse aovend op dezelfde plek staon of zitte. Ik heb dökker meigeholpe in de bedeenig en achter de bar, en bin ouk lid gewaes van de AZ- kemissie. In de jaore det Maurice Chef du protocol waas en deil oet makde van 't hof, heb ik 'm altied óndersteund. Ik zörgde same mit de dames van de Vors en de Sirremoniemeister veur de opvang van de dames van 't nieje dreejspan.

Maurice: Ik bin van thoes oet opgegreujd mit vastelaovend, weej ginge altied mit de joekskepel van pap en d'n ganse koedeljach op paad. Weej ginge altied door wies 't ind!



By Barry Catering

Barry Otten

www.bybarry.nl

info@bybarry.nl

tel. 077-38 27 901

06-28 84 00 69

Voor een passend:

- Buffet
- Borrelplank
- BBQ
- Brunch
- Broodjes





Miene pap waas ech hiel aktief in de Venlose vastelaovend. Ein leuk weitje is det miene pap in 1982 stadsprins beej Jocus waas, persies 17 jaor later mien broor Eric prins waas beej Boëte de Paort en weer 17 jaor daonao woort ik d'n hoeëgheid. Wie ik in 1999 had geveuld wie 't waas um deil oet te make van 't dreespan van Boëte de Paort, bin ik daonao raadslid gewaore. Daonaeve heb ik vanalles en nog waat gedaon binne de vereniging: zoot beej de joekskemissie en bin kemissieleider gewaes. Ik waas lid van 't algemeen bestuur, van de AZ-kemissie. Later woort ik Chef du protocol beej Vors Dennis van Haandel, det bin ik ouk gebleve wie Luc Vissers Vors waas. Wie hae stopde, vond ik 't ouk good gewaes en bin ik togetraoje tot 't Gilde. Daonaeve bin ik óntzettend gruuets det ik in 2023 ierelid bin gewaore. Det vind ik mit rech toch éch ein hiele groeëte ier en schoeëne bliek van waardering.

Is vastelaovend viere in de loup van d'n tied veranderd?

Maurice: Alles geit mit ziene tied mei en verandert langsam aan. Maar de belangriekste tradisies van de vastelaovend zien beej Boëte de Paort gelökkig blieve bestaon. Dees tradisies zien eigelik de haldvas aan de

hand waovan de vastealovend wuurt gevierd. 't Is eigelik ein groeët tenielspel, maar tegelieker tied gen spelke.

Lil: Ik vind de vastelaovestradisies ouk hiel erg belangriek. D'r wuurt waal ens gezag det vastelaovend neet geëmancipeerd is, maar ik zeen det toch waal anders. Ik sloeët mich aan beej de meneer van dinke van Maurice: in 't groeëte tenielstök det vastelaovend hit, haet idderein zien eige rol. En die van dames is anders dan van hier, det huurt noow einmaal beej de rol. Jao dinger meuge en kinne verandere, maar veur mich motte de vastelaovestradisies gewoeën in iere waere gehalde!

Maurice: Persuuenlik is vastelaovend veur ós ouk waal veranderd: noow ik in 't Gilde zit bin ik en hoof ik ouk neet mier everal beej te zien, maar keze Lil en ik bewus wao we waal en neet haer gaon.. de wuurs waat mier toeschouwer in plaats van deilnemer.....al laote weej maar al te gaer nog hiel dök ós neus zeen!

Welke dinger beej Boëte de Paort ware of zien veur óg geneetmomentjes?

Maurice: Det zit um dök in hiele aparte dingskes: zoëë heb ik mich altied waanzinnig good geammezeerd beej de zittinge in Leuth; óntzettend amateuristisch, maar waat



hebbe weej dao jen gehad. Ze kwame dao gewoeën rond mit 't beer op kerkes.

Ouk heb ik altied enorm genaote van 't Fortissimokonzert, ik geluif neet det ik d'r ein heb euvergeslage...allein al 't plaetje det al die Venlose vereniging zoeë nao ein van die trappe aafkwame, kiepevel.

Ouk 't feit det weej as vereniging minse die 't waat lastiger hebbe ein hert ónder de reem staeke mit ein fruitmendje... det vind ik hiel biezonder!

Lil: Ik dink altied hiel gaer truuk aan alle ZLS zittinge: de lach op de snoeët van die minse, zeen wie zeej op eure alde daag nog genete van de vastelaovend; det rak mich altied weer. Of wie Maurice ziene pap nog op de casinoflat woeënde; hae organiseerde dan vastelaovend ónder in 't Sprungske! Hiel biezonder en altied óntzettend gezellig!! Ouk mit de dames, 't same optrekke in dees periode, haet mich altied óntzettend vuuel plezeer opgeleverd....jao, 't woord "same", det is veur mich erg belangriek, ik bin ech ein minse mins.

Heb geej ein levelings vastelaovesleedje?

Lil: Neet ech, as d'r maar remmiedemmie in zit; ik hald neet van die zwijmelnummers. Nae, veur mich gen ballade..

Maurice: 't Is neet ech ein vastelaovesleedje, maar ein leedje oet ein van de venlose revues: "Dit is de plaats". Det hebbe ze ouk gedreid op de begrafenis van miene pap, det rak mich altied weer as ik det huur. Daonaeve dink ik ouk aan leedjes wie "Venlo Stedje" en "Zoeë is 't laeve" en vuuel te vuuel um op te neume eigelik. Maar 't zien veural de échte alde vastelaovesnummers wie Lekker zunke lekker waerke, De kiepe van vrouw Fiepe, D'n discodans, Vastelaovessamba en gank zoeë maar door... Heerlikke nummers, wao se gewoeën goje zin van kriegs!!!

Zoelt geej nog ens waat euver wille doen?

Lil: Ik hald waal van waat gekkigheid: mit ein huifker nao Leuth, det waas mich toch waat...



Maurice: Die dineetjes beej pap op de flat; de eenvoud van 't same zien en genete...det zoel ik nog waal ens euver wille doon. En as ik nog ens waat moch doon waat we nog neet gedaon hebbe; dan zoel ik nog waal ens ein rol wille hebbe in de Boerebroelof!

En welke dinger veural neet?

Maurice: Eigelik niks, eigelik haet alles waal zien eige charme...

Lil: Dao sloeët ik mich beej aan.

Wie zeet geej de toekoms van de vastelaovend en van Boëte de Paort?

Maurice en Lil zien 't ins: De vastelaovend zal altied blieve bestaon. En veur Boëte de Paort geldt det as weej d'r mit z'n alle de schouwers ónder blieve zette, weej gewoeën op waeg gaon nao ós 6x11 jöörig jubileum!

Lil sluit aaf: Boëte de Paort veult veur mich nog steeds 't zelfde as wie ik 17 waas: Dees club zit en blief altied in ós hert!



Tandartspraktijk
Wermenbol

Bleken, en cosmetische behandelingen
Uitgebreid kroon en brugwerk
Mondhygiene en preventie
Prothetische voorzieningen
Kindertandheelkunde
Angstbehandeling
Orthodontie

Kraanvogelstraat 2
5912 XR Venlo

Telefoon: 077 - 352 61 26
info@tandartswermenbol.nl
www.tandartswermenbol.nl



JacobsVerzekerd
assurantiën - hypotheke

JacobsVerzekerd - Postbus 734, 5900 AS Venlo - Leemkampstraat 10, 5913 VH Venlo
Tel.: 077-351 91 27 - info@jacobsverzekerd.nl - www.jacobsverzekerd.nl



Adfz
Adviseurs in Financiële Zaken




Truukblik van Jeugdreejspan 2024

Roy: “Ik heb eine superleuke tied gehad. Ik vond ‘t veural hiel leuk um nao VVV te gaon as dreejspan. Ós eige resepsie vond ik fantastisch. Ik vond ‘t leuk um mit de minse um mich haer te feeste. De resepsies aafgaon en veural mit de partybus vond ik fantastisch. ‘t Aaftraeje waas hiel leuk georganiseerd. Ouk ‘t oetstepke nao Toverland boete ‘t seizoen vond ik erg leuk.”

Juul: “Waat ik erg leuk vond aan de vastelaovend, waas ‘t oetkómme. Det waas eine gezellige aovend, mit z’n alle heb ik d’r erg van genaote.

De wiekende nao ‘t oetkómme begóste we mit alle resepsies aafgaon wao we veur genuuejd ware. Die ware meestal erg gezellig en leuk. Toen kwaam neteurlik ós eige resepsie, die waas keileuk en gezellig, we kregen vuuel kedoos, meschiens waal té vuuel. Nao ós resepsie ginge we mit z’n alle aete. ‘t Waas eine keitoffe daag. Ouk zien we nao de Prónkzitting gewaes, waat waas det eine toffe aovend, ouk heej heb ik erg van genaote. Jaomer genóg ging ‘t toen al richting ‘t ind en mooste we aaftraeje. Ik heb eine keitoffe vastelaovend gehad.”

Jimmy: “Ik vond ‘t tof um meigemak te hebbe en zoel ‘t 100% nog eine kier doon, want ‘t waas gewoeën altied fees. Ik vond ‘t fantastisch um gewoeën adjedant te zien van miene beste kammeraod. ‘t Waas ouk leuk um euveral op resepsies te kómme, want ik kinde d’r ouk nog inkele van andere gezelschappe. ‘t Leukste vond ik toch waal ‘t oetkómme en de spanning dao um haer.”



Aaftraeje Jeug



Pecunia
Treasury & Finance



Pecunia
Treasury & Finance



Financieel Advies

Financiering / Crowdfunding

Cash Management

Financieel risico management (rente, valuta)

Interim management

Werkkapitaal optimalisatie / Balans management

Bank selectie/onderhandelingen

Onze diensten betalen zich vaak uit besparingen terug. Neem contact met ons op voor een vrijblijvend gesprek

www.pecuniabv.nl

 **2-WIELERS**

ONGEREMDE PASSIE VOOR JOUW FIETS

Sjoene vastelaovend

DRIVEN BY
HENDRIKX
Buggenum

2-WIELERS.NL

HOME & FASHION
BY MANDY'S PLACE

MA	GESLOTEN
DI	10:00-18:00 UUR
WO	GESLOTEN
DO	10:00-20:00 UUR
VR	10:00-17:00 UUR
ZA	10:00-16:00 UUR
ZO	GESLOTEN

Tel: 06 28 38 57 93

COVERBO




Openingstijden
Maandag t/m Vrijdag
van 16:00 uur - 22:00 uur
Dinsdag rustdag
Zaterdag/Zondag
van 15:00 uur - 22:00 uur

Grotestraat 94, 5931 CZ Tegelen
Tel. 077 374 78 07

GASSERVICE VENLO

INSTALLATIETECHNIEK



till. 077 3544058
www.gasservicevenlo.nl

Al jaore in ut geheim plekke weej de prins beej-ein !!!



Fysio Centrum Tegelen (hoofdlocatie)
Industriestraat 94a 5931 PK Tegelen
077 326 0630
info@fysiocentrumtegelen.nl


Fysio Centrum Tegelen (2e vestiging)
Schoolstraat 33 593 1 PA Tegelen
077 373 5422
info@fysiocentrumtegelen.nl

Fysio Centrum Venlo
Veldenseweg 41 5914 SL Venlo
077 351 1475
info@fysiocentrumvenlo.nl

Fysio Centrum Blerick
Witherenstraat 15 5921 GA Venlo
077 326 0630
info@fysiocentrumblerick.nl

Aan taofel mit...

Lieke Brünken



Veur de laezers die dich nog neet kinne, zoels se dich aan ós wille veustelle?

Ik bin Lieke Brünken, gebaore en getaoge in Venlo-Zuud maar woeën inmiddels al 10 jaor aan de andere kant van de Maas. Ik bin 34 lintes jónk en woeën in Blierick same mit miene mins Mark en ós 2 jónges Thuur en Vince. In mien dageliks laeve bin ik werkzaam as medisch technisch medewerker beej de GGD, aafdeiling Tuberculose. Miene vrede tied bestaej ik gaer aan leuke dinger door mit 't gezin, familie en vrinde.

Wie bisse beej Boëte de Paort terech gekómme?

Vrujer deej ik buutreednen en heb ik mierdere kiere meigedaon aan de buuttekampioenschappen veur de jeug. Heejmei bin ik ens 2de gewaore. Dit haet toen in de krant gestaon en haet Boëte de Paort kontak mit mich opgenaome of ik beej eur woel optraeje. Dit heb ik toen mein ik 2 of 3 jaor gedaon en in de tössetied zien toen De Päörtjes opgerich en van 't ein kwaam 't ander. Door de toenmalige kemissie bin ik gevraag gewaore of ik Jeug Vors woel waere.

Waat is ein van de leukste momente veur dich die se dich kins herinnere beej de Jeug?

Dao zien de aafgeloupe 20 jaor al zoeëvuuel leuke momente gewaes. Ik heb neet echt specifiek éin leuk moment. Ik bin veurnamelik gruuets op 't moment, as ik de jeug op zeen loupe mit 't nummer wao weej de ganse vastelaovend energie van kriege. Weej hebbe altied ein gruppe kinder die zich boete de vastelaovend neet hiel dök zeen en oetintelik wuurt dit eine echte groep wao weej ein tof seizoen mei dreie. Bezónder moment waat mich beej blief is altied de toedrach van ein dreejspan vraoge. Iers vraoge weej de hoeëghed, maar polse veuraaf de elders. Allein al beej det tillefontje giere beej ós as kemissie al de zenuwe door 't lief. Laot staon waat dao beej de elders op kump, maar baove al, de kinder/'t dreejspan. De veurbereiding heejop volgend en dan de groeëte klus, zwiege!

Waat is d'r zoeë leuk beej de Jeug van Boëte de Paort?

Ik krieg óntzettend vuuel energie van de kinder die ik zeen rause door de zaal van de Zwanehaof op

de vastelaovesmeziek. Groeët en klein, variërende vastelaovesmeziek. 't Mak de kinder niks oet. Zoeëlang zeej maar ruimte kriege um eur dink te doon. Door de ouge van de kinder zuut 't dao dan toch fantastisch oet. Ik weit det ik vruger as kind ziende ouk op keek nao de groeëte prins en zien gevolg. Ik vind 't fijn det ik deil meug oetmake um dit ouk te kinne en meuge organisere veur ós kinder. 't Blijf ózze toekoms en waat weej eur meigaeve, wuurt haopelik doorgezatte!

Wie zuuse de toekoms beej de jeug?

Dit is mien letste seizoen beej de jeug. Ein moeilikke keus veur mich, maar waal ein wao ik 100% achter staon. Mit Mark as Vors, 2 kinder en ik as kemissielid van de jeug is de vastelaovesperiode eine gezellige en drökke boel beej ós thoës. D'r mot dan eine hauptgeorganiseerd waere. Nao 20 jaor vind ik det 't eine schoeëne tied is um te stoppe. Veur mich is 't gezin noow prioriteit en mochte ós kinder daobeej wille, zoel ik 't super vinde um allein as elder ziende te hove kieke nao de jeug. Ik haop det de jeug doorgeit mit waat we altied doon, zörge veur eine leuke vastelaovend veur de jeug. Op welke meneer dae ingevöld geit waere,

dao laot ik mich gaer door verrasse! Zoeëlang 't maar doorgegaeve blief waere. Mochse 't leuk vinde um beej de kemissie te kómme, laot ós dit gerós weite.

Welke rol binne de vastelaovend in Venlo zoels se nog waal ens wille hebbe?

As se mich dit 'n paar jaor truuk hads gevraog had ik meteen gezag: Broed tiedes de boerebroelof en as ik de vraog gesteld zoel kriege zoel ik dae ouk meteen beantwoorde mit ein jao.

Moch ik oeëts dees vraog kriege, zoel ik dao toch efkes euver nao motte dinke.

Waat is dien levelings vastelaovesleedje?

Ik vind zoeëvuuel vastelaovesleedjes leuk. Ik vind ein welske leuk, maar de leedjes wao remmiedemmie wuurt gemak, zing ik ouk gaer mei. As ein leedje ein passende teks en ein pakkende melodie haet, dan huur det gaer de ganse vastelaovend.


Ohnae, ik weit mien levelings vastelaovesleedje; 't nije nummer van Jeug van Boëte de Paort: Dao kómme ze haeeeeerrrrrr.



Wie zuut eine ideale vastelaovesdaag d'r oet volges dich?

's Morges vruug opstaon um ós aan te trekke in de vastelaovesploete. Umstebeurt in de riej um 't snuutje te laote sjmienke en dan flot mit 't gezin richting de stad. Ein strak blauwe lóch, ein heerlijk zunke, eine frisse wind mit ein lekker drenkske in de hand, staond beej de zoepkoel, parade of de mert mit de 'Venloosche' vastelaovesmeziek. Mit alle minse um mich haer die ik leef heb. Meug en voldaan mit de jónges loupend, truuk nao de andere kant van de Maas.

*"Lieke, bedank veur dit interview.
Maar baove al, bedank veur al dien inzet
al die jaore! "*



Weej winse óg eine
schoeëne vastelaovend!



HUIS & HYPOTHEEK
Samen succesvol!



HUIS & HYPOTHEEK
Samen succesvol!

Frank Berden & Marc Verhalle

Huis & Hypotheek Horst
Loevestraat 9
5961 TV HORST
T 077 39 992 55
www.huis-hypotheek.nl/horst

Huis & Hypotheek Venlo
Roermondsestraat 51
5912 AJ VENLO
T 077 39 992 52
www.huis-hypotheek.nl/venlo



Pearl®



Joly's Fashion

Jolanda Steeghs-Curvers
Fashion and more

+31 6 29 488 403
Hoogstraat 10 Venlo
Facebook: Joly's Fashion

Maak same mit ós remmiedemmie, zing en dans mei mit de Jeug van Boëte de Paort!



Refrein:

As oranje greun weer klaarsteit
Ós meziek dan hiel hard aangeit
Mit ózze schoeëne jeug en kwant dreejspan
Make weej d'r heej ein feesje van
De remmiedemmie is weer dao
De Jeug van Boëte de Paort steit klaar

Vers 1:

Weej veule ós zoeë riek
Beej ós heej in de wiek
Ós jeug die steit veuraan
Weej staon d'r hiel good op
Ós mutse op de kop
Dus maak noow maar vreej baan

Vers 2:

Van 8 wies 18 jaor
Staon weej heej same klaar
Weej zien weer van de partie
Zoeë feeste weej mit ein
mit alle man beejein
en viere zie aan zie

Teks: Linda Smeets

Meziek: Marcel Driessen

Mix door: Bart Vrijdag

Ingezonge door: Bram Holla en
de Jeug van Boëte de Paort



Rob Weijers
FOTOGRAFIE

DE pasfoto specialist van Blerick



Pasfoto's voor:


- ID Kaart
- Paspoort (Alle landen en visa)
- Rijbewijs (Tevens RDW rijbewijs verlenging)
- Bedrijfspas / clubcard (o.a. KPN, Ajax, Feyenoord)

Elke maandag open van 9:00 tot 17:00

Of maak een afspraak

Rob Weijers Fotografie
St. Hubertusplein 12
077-2340666
www.robweijersfotografie.nl

NIEJ IN DE REGIO IRISFOTOGRAFIE




Rob Weijers
FOTOGRAFIE



Miër info, scan de code ->





VELOMAR


Mariastraat 3
5932 BR Tegelen
077 - 851 1000
www.velomar.nl



VELOMAR dé scooterzaak in Tegelen

Bij ons kunt u terecht voor:

- onderhoud -
- nieuwe en 2dehands scooters -
- schadetaxatie -
- verkoop van alle merken -

Bezoek ons op: 





B I L D E R B E R G

Hotel
De Bovenste Molen
Venlo

Hotel De Bovenste Molen | Bovenste Molenweg 12, 5912 TV Venlo | +31 (0)77 359 14 14



ZLS-Zitting





Badkamer nodig?

Boitelle Badkamers realiseert dit voor u!

www.lucboitelle.nl • Tel. 06 484 906 65

Verstegen Makelaars



Uw persoonlijke makelaar!

In goede harmonie uw huis (ver)kopen

Neem gerust contact op voor een GRATIS waardebeoordeling van uw woning.
tel 077-8507412 mail: info@verstegenmakelaars.nl

Makelaardij Hypotheken Verzekeringen Taxaties



WITTE DAME

HOTEL | KITCHEN | BAR | APARTMENTS



IJSCO
FANTASTICO
ijs & chocolade

Ijscofantastico.nl

Waordzeuker

N	U	E	R	G	E	J	N	A	R	O	E	J	S	E	E	F
V	A	E	J	D	E	E	L	S	P	O	N	S	O	R	E	N
O	E	T	R	O	O	P	E	F	O	T	O	G	R	A	A	F
I	T	T	E	F	N	O	C	E	J	E	A	R	T	T	E	O
S	S	T	E	M	E	O	B	E	L	E	G	N	E	I	J	S
V	E	C	O	N	S	U	M	P	S	I	E	M	U	N	T	E
E	K	L	C	H	E	F	D	U	P	R	O	T	O	C	O	L
R	E	T	S	I	E	M	E	I	N	O	M	E	R	R	I	S
E	I	S	R	E	T	S	I	E	M	G	N	I	N	N	E	P
I	R	E	V	V	R	E	T	T	I	Z	R	U	E	V	A	O
N	E	I	A	V	O	N	P	Z	W	A	N	E	H	A	O	F
I	M	T	E	E	A	R	J	A	A	F	T	R	A	E	J	E
G	S	R	R	D	I	O	S	R	E	S	E	P	S	I	E	N
I	N	A	E	N	E	G	D	B	A	L	L	O	N	N	E	N
N	A	J	S	K	S	A	U	S	E	I	S	S	I	M	E	K
G	D	E	S	I	R	A	T	E	R	C	E	S	R	M	E	!
A	S	U	B	Y	T	R	A	P	J	S	C	E	P	T	E	R

--	--	--	--	--	--	--	--	--	--	--	--	--	--	--	--	--

--	--	--	--	--	--	--	--	--	--	--	--	--	--	--	--	--

AAFTRAEJE
 ADJEDANTE
 ARTIEST
 BALLONNEN
 CHEF DU PROTOCOL
 CONFETTI
 CONSUMPSIEMUNTE
 DANSMERIEKES

FEESJE
 FOTOGRAAF
 GREUN
 JEUG
 JOEKS
 KEMISSIES
 LEEDJE
 OETROOPE

OETTRAEJE
 ORANJE
 PARTYBUS
 PENNINGMEISTER
 PRINS
 PRINSES
 RESEPSIE
 SCEPTER

SECRETARIS
 SIRREMONIEMEISTER
 SJIENGELEBOEM
 SPONSOREN
 VAERE
 VEREINIGING
 VEURZITTER
 VORS
 ZWANEHAOF



Meer info? Kijk op: www.ducvenlo.nl

of bel 077-3030042

Vraag bij uw dierenarts naar ons!

**100% DIER- EN MILIEUVRIENDELIJK
WIJ GEBRUIKEN WATER GEEN VUUR**

Eerste in Europa met de techniek van resomeren!

Colofoon

De Paort is ein oetgaaf van Boëte de Paort oet Venlo-Zuud.

Redaksie: P&P kemissie

Webredaksie: P&P kemissie, Roy Onckels

Advertenties: W&S kemissie

Layout: Evie Kuijpers-Brünken

Drök: Dutch Graphic Group

P&P Kemissie: Joke van den Essen, Manou Minten
en Evie Kuijpers-Brünken

Fotografie: Femke Kuijpers-Brünken, Loes Vervoort
en Rob Weijers

De P&P kemissie bedank idderein dae haet beejgedrage
aan 't tot stand kómme van dees Paort.



Kleindier-annex Vogelkwekerij Baarlo

Hetterichstraat 8, 5991 EE Baarlo